

四庫全書

集部

欽定四庫全書

集部

文苑英華卷三百十一至
三

詳校官太僕寺少卿臣李廷欽

助教臣常循覆勘

總校官進士臣朱 鈐

校對官中書臣王鍾泰

謄錄監生臣崔鶴立

欽定四庫全書

文苑英華卷三百十一

宋 李昉等 編

居處一

上陽宮二首

九成宮二首

華清宮十一首

宮十七首

苑三首

殿六首

樓十首

上陽宮

上陽宮

王建

上陽花木不曾秋，洛水穿宮處處流。
畫閣紅樓宮女笑，玉簫金管路人愁。
幔城入澗橙花發，玉輦登山桂葉稠。
曾讀列仙王母傳，九天未勝此中遊。

同前

羅鄴

春半上陽花滿樓，太平天子昔巡遊。
千門雖列一作對嵩

山在，一笑還隨洛水流。
深鎖笙歌巢燕聽，遙瞻金碧路

人愁。翠華却返昇一作自登仙去，長使一作腸斷宮娥望不休。

九成宮

夏晚九成宮呈同寮

前人

碣館分襄野平臺架射峯
英藩信煒聘勝地本從容
林引梧庭鳳泉歸竹沼龍
小軒恒昔處長坂屬相從
野席蘭琴奏山臺桂酒濃
一枰移晝景六著晝宵

疑作
晝宵

鍾枚

藻清詞律鄒譚曜辨鋒
結歡良有裕聯寤愧無庸
整悅丘中賞還希物外蹤
風煙遠近至魚鳥去來逢
月澗橫千丈雲崖列萬重
樹紅山菓熟岸綠水苔濃
願以西園

柳長間北巖松

九成宮

前人

蒼山入百里崖斷如杵白曾宮憑風迴
岌業土囊口立
神扶棟梁鑿翠開戶牖其陽產靈芝其陰宿牛斗紛披
長松倒竭嶮怪石走哀猿啼一聲客淚迸林藪荒哉隋
家帝製此今頽朽向使國不亡焉為巨唐有雖無新增
修尚置官居守巡非遙水遠跡是雕墻後我行集作屬
時危仰望嗟嘆久天王守一作太白駐馬更搔首

華清宮

蚤秋望華清宮樹以成詠

集作因以成詠

盧綸

可憐雲木叢滿禁碧濛濛色潤虛泉

集作靈泉

近陰清輦路

通玉壇標八桂金井識雙桐交映凝寒露相和起夜風

數枝盤石上幾葉落雲中燕拂宜秋霽蟬鳴覺晝空翠

屏更隱見朱綴共玲瓏雷雨生成早樵蕪禁令雄野藤

高助綠仙果迴呈紅惆悵繚垣暮茲山聞暗蛩

華清宮感舊

王建

塵到朝元天

一作天照
中原邊

使急千官夜發六龍迴輦前月

照羅衣

一作衫

淚宮裏

一作馬上

風吹蠟燭灰公主粧樓金鎖

澁貴妃湯殿玉蓮開有時雲外聞天樂即

集作知
又作應

是先

皇沐浴來

華清宮三十韻

杜牧

繡嶺明珠殿層巒下繚牆仰窺雕

一作舟

檻影猶想赭袍

光昔帝登封後中原自古強一千年際會三萬里農桑

几席延堯舜軒墀立

集作接

禹湯雷霆驅號令星斗煥文

章釣築乘時用芝蘭在處芳北扉閑木索南面富循良
至道思玄圃平居厭未央鈎陳裏巖谷文陛壓青蒼歌
吹千秋節樓臺八月涼神仙高縹緲環珮碎釘鐺泉暖
涵牕鏡雲嬌惹粉囊嫩嵐滋翠葆清渭照紅粧帖秦生
靈壽歡娛歲序長月聞仙曲調霓作舞衣裳雨露偏金
穴乾坤入醉鄉玩兵師漢武迴首倒干將鯨鬣掀東海
胡牙揭上陽喧呼馬嵬血零落羽林槍傾國留無路還

魂怨有香蜀峯橫慘淡秦樹遠微茫鼎重山難轉天扶
業更昌望賢餘故老花萼舊池塘往事人誰問幽襟淚
獨傷碧簷斜送日殷葉半凋霜迸水傾瑤砌踈風鏤玉
房塵埃羯鼓索片段荔枝筐烏啄摧寒木蝸涎蠹畫梁
孤煙知客恨遙起秦陵傍

同前

樓閣參差倚夕陽年年花發滿山香重門閒鎖青山晚
深院垂簾白日長草色芊綿侵御路蟬聲嗚咽遶宮墻

先皇一去無回駕
紅粉翠鬟空斷腸

望華清宮感事

前人

聞說先皇者

集作
醉

碧桃

日華搖動

集作
浮艷

鬱金袍風隨玉

輦笙歌迥雲捲
珠簾劔珮高雙鳳

集作
風駕

北歸山寂寂六

龍西去

集作龍
旗西幸

水滔滔娥眉沒後
巡遊少瓦落宮墻見

野蒿

華清宮二首

李商隱

華清恩幸古無倫
猶恐蛾眉不勝人
未免被他褒女笑

只教天子暫蒙塵

二

朝元閣轉羽衣新
首按昭陽第一人
當日不來高處舞
可能天下有胡塵

過華清宮二十二韻

溫庭筠

憶昔開元日承平
事勝遊貴妃專寵
幸天子富春秋月
白霓裳殿風乾羯
鼓樓鬪鷄花蔽膝
騎馬玉搔頭繡轂
千門妓金鞍萬戶
侯薄雲欺

集作
欺

雀扇輕雪犯貂裘
過

客聞韶濩居人識冕旒氣和春不覺煙煖霽難收澁浪

和瓊甃

集作怨浪
涵瑤甃

晴陽上綵旂卷衣輕鬢懶窺鏡淡蛾

羞屏掩芙蓉帳簾寒毒瑁鈎重瞳分渭曲纖手指神州
御案迷萱草天袍妒石榴深巖藏浴鳳鮮濕媚潜虬不

料邯鄲蝨俄成即墨牛劒鋒揮太皞旗焰拂虫尤内嬖
陪行在孤臣預坐籌瑤簪遺翡翠霜仗駐驂騶艷笑雙
飛斷香魂一哭休早梅悲蜀道高樹隔昭邱朱閣重霄

近蒼崖萬古愁至今湯殿水嗚咽

一作
惆悵

縣前流

華清宮和杜舍人

前人

五十年天子離宮仰峻

集作舊粉

墻登封時正泰御宇日何

集作初

長上位先名實中興事憲章起

集作舉

戎輕甲冑餘

地復

集作取

河湟道帝立元祖儒封孔子王因緣百司署

聚會一人湯渭水波搖綠秦郊

集作山

草半黃馬馴金勒

細鷹健玉鈴鏘

集作馬頭開夜照鷹眼利星芒

下箭朱弓滿鳴鞭皓腕

攘攷思獲呂望諫祗避周昌兔跡貪前逐梟心不早防

幾添鸚鵡勸先

集作類

賜荔枝嘗月鎖千門靜天吹

集作高

一笛涼細音搖羽

集作翠

珮輕步宛霓裳

脫二字

基

集作根

潛

結昇平意遽忘衣冠逃大虜擊鼓動漁陽外戚心殊迫

中途事可量血

集作雪

埋妃子豔

集作貌

刃斷祿兒腸近侍

煙塵隔前蹤輦路荒益知迷寵佞遺

集作惟

恨喪賢

集作忠

良北闕尊明主南宮遜上皇禁清餘鳳吹池冷睡

集作映

龍光祝壽山猶在流年水共傷杜鵑魂厭蜀蝴蝶夢悲

莊雀卵遺雕拱蟲絲胃盡梁紫苔侵壁潤紅樹閉門芳

守吏齊駕瓦耕民得翠璫登年昔酺樂

集作昔時歡康樂

講武

舊兵場暮草深巖翠

集作
竊

幽花墜逕香不堪垂白叟行

折御溝楊

華清宮二首

前人

風樹離離月稍明九天龍氣在華清宮門晝

集作
深

鎖無

人覺半夜雲中羯鼓聲

二

天閣

詩逸作閣
集作閣

沉沉夜未央碧雲仙曲下霓

集作
舞

裳一

聲玉笛向空盡月滿山中

集作
驪山

宮漏長

宮

贈許左丞從駕萬年宮

盧照隣

聞道上之迴詔蹕下蓬萊中樞移北斗左轄去南臺黃
山聞鳳吹清蹕侍龍媒曳日朱旗卷參雲金障開朝參
五城柳夕宴栢梁杯漢時荒如月秦祠聽似雷寂寂芸
香署離思獨悠哉

玉華宮

杜甫

溪回松風長蒼鼠竄古瓦不知何王殿遺構絕壁下陰

房鬼火青壞道哀湍瀉萬籟真竽瑟

集作
笙竽

秋光極

集作
秋色

正蕭灑美人為黃土況乃粉黛假當時侍金輿故物獨
石馬憂來藉草坐浩歌淚盈把冉冉征途間誰是長年
者

南原望漢家宮

前人

荒原空有漢宮名衰草茫茫雉堞平連鴈下時秋水在
行人過盡暮煙生西陵歌吹何年絕南陌登臨此日情
故事悠悠不可問寒禽野水自縱橫

隋宮

鮑溶

御街行客路

集作
行客

行客悲春風野老幾代人種田煬帝

宮零落池臺勢高低黍稷中

吳宮

殷堯藩

吳王愛歌舞夜夜醉嬋娟見日吹紅燭和塵掃翠鈿徒
令勾踐霸不信子胥賢莫問長洲草荒涼無限年

古行宮

章孝標

瓦煙疎冷古行宮寂寞朱門反鎖空殘粉水銀流砌下

墮環秋月落泥中
鶯傳舊語嬌春日
花學嚴粧妒曉風
天子時清不巡幸
祇應鸞鳳集梧桐

溫泉宮

王建

十月一日天子來
青繩御路無塵埃
宮前內裏湯各別
每箇白玉芙蓉開
朝元閣向山上起
城繞青山龍暖水
夜開金殿看星河
宮女知更明月集作月明
裏武皇得仙王

母去山鷄晝鳴宮中樹
溫泉泱泱出宮流
宮使年年修

玉樓禁兵除集作去
盡無射獵日西麋
鹿登城頭梨園弟

子偷曲譜頭白人間教歌舞

古

集作故

行宮

前人

寥落古行宮宮花寂寞紅白頭宮女在閒坐說玄宗

和李司勳過連昌宮

韓愈

夾道疎槐出老根高甍巨桷壓山原宮前遺老來相問
今是開元幾葉孫

陳後宮二首

李商隱

茂苑城如畫閭門瓦欲流還依水光殿更起月華樓侵

夜鸞開鏡迎冬雉獻裘從臣皆半醉天子正無愁

二

漢武開新苑龍舟燕幸頻渚蓮參法駕沙鳥犯勾陳壽
獻金莖露歌翻玉樹塵夜來江令醉別詔宿臨春

隋宮

前人

紫泉宮殿鎖煙霞欲取蕪城作帝家玉璽不緣歸日角
錦帆應是到天涯於今腐草無螢火終古垂楊有暮鴉
地下若逢陳後主豈宜重問後庭花

楚宮二首

前人

複壁交青鎖重簾掛紫繩如何一柱觀不礙九枝燈扇
薄常窺月釵斜只鏤冰歌成猶未唱秦火入夷陵

二

湘波如淚色漻漻楚屬迷魂逐恨遙楓樹夜猿愁自斷
女蘿山鬼語相邀空歸腐敗猶難復更困腥臊豈易招
但使故鄉三戶在綵絲誰惜懼長蛟

深宮

前人

金殿銷香閉綺櫳
玉壺傳點咽銅龍
狂飈不惜蘿陰薄
清露偏知桂葉濃
斑竹嶺邊無限淚
景陽宮裏及時鍾
豈知為雨為雲處
祇有高唐十二峯

漢宮

前人

通靈夜醮達清晨
承露盤晞甲帳春
玉母西歸方朔集
作集
處何去更須重見李夫人

蘭昌宮

劉駕

宮蘭非瑤草
安得春常在
迴首春又歸
翠葉不能待
悲

風生輦路山川寂已晦邊恨在行人行人無盡歲

苑

奉和立春遊苑

盧藏用

天遊仰疑輦駐城闌上苑遲先晚更新瑤臺半入黃山
路玉檻傍臨玄灞津梅香欲待歌前落蘭氣先過酒上
春幸預栢臺稱獻壽願陪千畝及農辰

同前

沈佺期

東郊暫轉迎春仗上苑初飛行慶盃風射蛟冰千片斷

氣衝魚鱗九闕開林中覓草才知荔雜詠作繞生蕙殿裏爭花
併是梅歌吹銜恩歸路晚棲烏半下鳳城來

長洲苑

吳黃武中此地校獵

孫逖

吳王初鼎峙羽獵騁雄才輦道閭門出軍容茂苑來山
從列陣轉江自遶林回劔騎緣汀入旌門隔嶼開合離
紛若電馳逐溢成雷勝地虞人守歸舟漢女陪可憐夷
漫處猶在洞庭隈山靜吟猿父城空應雉媒戎行委喬
木馬跡盡黃埃攬涕問遺老繁華安在哉

殿

預麟趾殿校書和劉儀同
庾信

止戈興禮樂修文盛典謨壁開金石篆河浮雲霧圖芸

香上延閣碑石向鴻都誦書徵博士明經拜大夫壁池

寒水落學市舊槐枯

初學記作
疎韻不同

高譚變白馬雄辨塞飛

孤月落將軍樹風驚御史烏子雲猶

初學記
作方

汗簡溫舒

正削蒲蓮雲雖有閣終欲想江湖

重陽殿成金石會竟上詩
張正見

周王興露寢漢后式甘泉共知崇壯麗迢遞與雲連抗

殿䟽龍首峻階

一作
陛

激天泉東西跨函谷左右矚伊瀍

百常飛觀竦三休複道懸拱烏遙造日擗虬遠架煙雲

棟疑飛雨風窻似望仙玉女臨方鏡金錯映彩椽梅梁

橫發藥玉井倒披蓮榮光開御宿佳氣屬祈年霜鴈排

空斷寒花映日鮮負宸憑霄極台司列象躔登臺誼大

厦御氣響鈞天北斗承三獻南風入五絃鸞歌鳩鵲右

獸舞射熊前翔鸞仰不見

疑

鸞雀徒聯翩

冬至乾陽殿受朝

隋煬帝

北陸隆

一作
玄

冬盛南至晷漏長端拱朝萬國守文繼百

王至德慙日用治道愧時康新邑建嵩嶽雙闕臨洛陽

圭景正八表道路均四方碧空霜華淨朱庭皎

一作
暖

日

光纓珮既濟濟鍾鼓何鏗鏗文戟翊高殿彩旄分脩廊

元首之明哲股肱資

一作
貴惟

賢良舟楫佇

一作
行

有寄庶此

王化昌

宣政殿退朝晚出左掖

杜甫

天門日射黃金榜春殿晴薰

集作
曛

赤羽旗宮草霏霏

集作

微

承委珮鑪煙細細駐遊絲雲近蓬萊常五

集作
好

色雪殘

鳩鵲亦多時侍臣緩步歸青鎖退食從容出每遲

元日含元殿下立仗丹鳳樓門下宣赦相公稱

賀

四字一作
上相公

二首

楊巨源

天垂台耀掃欒槍壽獻香山

雜詠作
山片

祝聖明丹鳳樓

雜詠

作闕前歌九奏金鷄竿下鼓千聲衣冠南面薰風動文字

東方喜氣生從此登封資廟略兩河連海一時清

二

臨軒啓扇似雲收
率土朝天劇水流
瑞色含春當正殿
香煙捧日在高樓
三朝氣蚤迎恩澤
萬歲聲長繞冕旒
請問漢家功第一
麒麟閣上識鄼侯

樓

奉和登北顧樓

見一百七十五卷

梁簡文帝

登烽火樓

前人

聳登柳

類聚作聳樓排

樹出却堞帶江清
陟峯試遠望鬱鬱盡

郊京萬邑王畿曠三條綺陌平
巨原橫地險孤嶼派流
生悠悠歸棹入渺渺去帆驚
水煙扶類聚作浮岸起遙禽逐

霧征

登玄暢樓

沈約

危峯帶北阜高嶺出南岑
中有陵風榭迴望川之陰
崖險每增減湍平互淺深
水流本三派臺高乃四臨
上有離羣客各有暮歸心
落暉暎長浦煥景燭中潯
雲生嶺乍黑日下溪半陰
信美非吾土何事不抽簪

登陽雲樓

劉孝綽

吾王

一作士

陽臺上非夢高唐客回首望長安千里懷三

益顧惟慙入楚殊

一作降

私等申白西沮水潦收瑕

一作照

丘霜露積龍門不可見空暮陵寒栢

和晚日登樓

劉綏

所以登臺榭正重接煙霞長絲觸欄斷歸鳥避窻斜俯
巢窺暝宿臨檻摘高花百雉時方晚九層光尚賒

和侯司空登樓望鄉

陰鏗

懷土臨霞觀，思歸想石門。
瞻雲望鳥道，對柳憶家園。
寒田淵裏淨，野日曉中昏。
信美今何益，傷心自有源。

秋日登廣州城南樓

江總

秋城韻晚笛，危榭引淒風。
遠氣疑埋劍，驚禽似避弓。
海樹一邊出，山雲四面通。
野火初煙細，新月半輪空。
塞外離羣客，顏鬢早如蓬。
徒懷建業水，復想洛陽宮。
不及孤飛鴈，獨在上林中。

登東陽沈隱侯八詠樓

崔融

旦登西北樓樓峻石墉厚宛生長定缺俯歷三江口非

階街缺烏衡交疏過牛斗左右會稽鎮出入具區藪越

巖森其前浙江漫其後此地實東陽由來山水鄉隱侯
有遺詠落簡尚餘芳具疑物昔未改斯人今已亡粵余
添藩左束髮事文場悵不見夫子神期遙相望

登澤州城北樓宴

陳子昂

平生倦遊者觀化久無窮復來登此國臨望與君同坐
見秦兵壘遙聞趙將雄武安君何在長平事已空且歌

玄雲曲街酒舞薰風勿使青衿子嗟爾白頭翁

登薊邱樓送賈兵曹入都 前人

東山宿昔意北征非我心孤負平生願感涕下霑襟暮
登薊樓上永望燕山岑遼海方漫漫胡沙飛且深蛾眉
杳如夢僊子曷由尋擊劍起嘆息白日忽西沉聞君洛
陽使因子寄南音

文苑英華卷三百十一

欽定四庫全書

文苑英華卷三百十二

宋 李昉等 編

居處二

樓七十一首

登瀛州南城樓寄遠

沈佺期

層城起麗譙憑覽出重霄茲地多形勢中天宛寂寥四

榮摩鶴鶴百拱厲風颺北盡

集作際

燕王館東餘秦帝橋

晴光七郡滿春色兩河遙傲睨

集作傲倪

非吾土躊躇適遠

囂離居欲有贈春草寄長謠

江樓夕望

崔湜

試陟江樓望悠悠去國情楚山霞外斷漢水月中平
公子留遺邑夫人有舊城蒼蒼煙霧裏何處是咸京

江樓有懷

前人

子牟懷魏闕元凱滯襄城冠蓋仍為闕池臺尚識名山
光晴後綠江色晚來清為問東流水何時到玉京

春日登樓野望

薛稷

憑軒聊一望春色幾分非
野外煙初合樓前花正飛
嬌鶯弄新響斜日散餘暉
誰忍孤遊客言念獨依依

登城樓望西山作

張九齡

城樓枕南浦日夕顧西山
宛宛鸞鶴處高高煙霧間
仙

井今猶在洪崖久不還
金編莫

集作
惟

我授羽駕亦誰攀

簷際千峯遠雲中一鳥閒
縱觀窮水國遊思遍人寰
勿復塵埃事歸來且閉關

登荊州城樓作

前人

天宇何其曠江城坐自拘層樓百餘尺迢遞在西隅暇
日時登眺荒郊臨故都纍纍見陳迹寂寂想雄圖古往
山川在今來郡邑殊北疆雖入鄭東距豈防吳幾代傳
荆國當時敵邾郢上流空有處中土復何虞枕席夷三
峽關梁豁五湖承平無異境守隘莫論夫自罷金門籍
來參竹使符端居向陵林集作藪微景集作尚在桑榆直似
王陵慙非如甯武愚今茲對南浦乘鴈與雙鳧

秋晚登樓南江入始興郡路 前人

潦收沙衍出霜降天宇晶伏檻一長眺津塗多遠情思
來江山外望盡煙雲生滔滔不自辨役役且何成我來
颯衰鬢孰云飄華纓櫪馬苦蹇跼籠禽念遐征歲陰生
集作 晚晚日久集作 空屏營物生貴得性身累由近名
况

內顧覺今是追歎何時平

登郡城南樓作

前人

閉閣幸無事登樓聊永日雲霞千里開洲渚萬形出澹
澹澄江漫飛飛度鳥疾邑人半艫艦津樹多楓橘感別

時已屢憑眺情非一遠懷不我同孤興與誰恣平生本
單緒邂逅承優秩謬忝為邦寄多慙理人術駑駘雖自
勉倉廩素非實陳力儻無效謝病從芝朮

登河北城樓

王維

井邑傳巖上客亭雲霧間高城眺落日極浦暎蒼山岸
火孤舟宿漁家夕鳥還寂寥天地暮心與廣川閒

和使君五郎西樓望遠思歸 前人

高樓望所思極目情未畢枕上見千里窓中窺萬室悠

悠長路人暖暖遠郊日惆悵極浦外迢遞孤煙出能賦
屬上才思歸同下秩故鄉不可見雲水空如一

登萬歲樓

孟浩然

萬歲樓頭望故鄉獨憐鄉思更茫茫天寒鴈度堪垂淚
月落烏啼欲斷腸曲引古堤臨凍浦斜分遠岸近枯楊
今朝偶見同袍友却喜家書寄一行

岳陽樓

已見二百
五十卷

與杭州薛司戶登梓亭樓作
前人

水樓一登眺半出青林高奕一作帝幕英寮敞芳筵下客

叨山藏伯禹穴城壓伍胥濤今日觀溟漲垂綸學釣鰲

夜登孔伯昭南樓時沈太清朱昂在座

孟浩然

誰家無風月此地有琴樽山水會稽郡詩書孔氏門再
來值秋杪高閣閒無喧華燭罷燃蠟清絃方奏鶻沈生

隱侯眉朱子買臣孫好我意不淺登茲共集作同話言

泗上馮使君南樓作

祖詠

井邑連淮泗南樓向晚過望灘沙鷺起尋岸浴童歌近
海雲偏出蕪秋雨更多明晨擬回棹鄉思恨風波

揚子江樓

孫逖

揚子何年邑雄雄作闕關江連二妃渚雲近八公山驛
道青楓外人煙綠嶼間晚來潮正滿數處落帆還

登岳陽樓望洞庭

杜甫

昔聞洞庭水今上岳陽樓吳楚東南坼乾坤日夜浮親
朋無一字老病有孤舟戎馬關山北憑軒涕泗流

登兗州城樓

前人

東郡趨庭日南樓縱目初浮雲連海岱平野入青徐孤
嶂秦碑在荒城魯殿餘從來多古意臨眺獨躊躇

題新津北橋樓

得郊字

前人

極望春城上開筵近鳥巢白花簷外朶青柳檻前梢池
水觀為政厨煙覺遠庖西川供醉客

集作客眼

唯是

集作有

此

江郊

與夏十二登岳陽樓

李白

樓觀岳陽近川迥洞庭開鴈別秋江去

集作鴈引
愁心去

山街

好月來雲間連下榻天上接行杯醉後涼風起吹人舞

袖回

登錦城散花樓

前人

日照錦城頭朝光散花樓金牕夾繡戶珠箔懸瓊鈎飛

梯綠

集作綠

雲中極目散我愁

集作憂

暮雨向三峽春江繞

雙流今來一登望如上九天遊

魯中都東樓醉後

前人

昨日東樓醉

集作
城飲

還應

集作
歸來

倒接羅阿誰扶上馬不省

下樓時

自廣平乘醉走馬六十里至邯鄲登城樓覽古

書懷

前人

醉騎白花馬西走邯鄲城揚鞭動柳色寫鞚春風生入

郭登高樓山川與雲平雄都半古冢

一作深宮
騎綠草

萬事傷

人情相如障華巖猛氣折秦嬴兩虎不可鬪庶公終負

荆提携袴中兒杵白及程嬰立孤獻

集作
孰

白日必死耀

丹誠平原三千客談笑盡雄

集作豪

英毛君能頽脫二國

且同盟皆為黃泉土使我涕縱橫磊磊石子崗蕭蕭白

楊聲諸賢

集作賢豪

沒此地碑版有殘銘太古共今時由來

同

集作互

衰榮傷哉何足道感激仰虛

集作抑空

名趙俗愛長

劍文儒少逢迎間從博徒

集作陵

遊帳飲雪中

集作朝

醒歌

酣易水動鼓振叢臺傾日落把燭歸陵晨向燕京方陳
五餌策一使邊塵清

夕霽杜陵登樓寄韋繇

前人

浮霽

集作陽

滅陽

集作霽

景萬物生秋容登樓送遠目伏檻

觀羣峯原野曠超緬關河紛錯重清暉映水竹翠色明

雲松蹈海寄遐想還山迷舊蹤徒然迫秋暮

集作晚

未果

諧心胸採菊竟誰舉

集作桂宇立

遊蘭

集作折麻

恨莫從思君達

永夜長樂聞踈鍾

題潼關樓

崔顥

客行逢雨霽歇馬上津樓山勢雄三輔關門扼九州川
從陝路去河遶華陰流向晚登臨處風煙萬里愁

題沈侯八詠樓

前人

梁日東陽守為樓望越中綠窻明月在青史古人空江
靜聞山狝川長數塞鴻登樓白雲晚流恨此遺風

登黃鶴樓

前人

昔人已乘白雲去茲地空遺黃鶴樓黃鶴一去不復返
白雲千載空悠悠晴川歷歷漢陽樹春草青青鸚鵡洲
日暮鄉關何處是煙波江上使人愁

萬歲樓

王昌齡

江上巍巍萬歲樓不知經歷幾千秋年年喜見山長在
日日悲看水獨流猿狖何曾離暮嶺鷓鴣空自泛寒洲
誰堪登望雲煙裏向晚茫茫發旅愁

芙蓉樓送辛漸長

前人

丹陽城東秋海深丹陽城北楚雲陰
高樓送客不知醉寂寂寒江明月心

宿杜判官江樓

郎士元

適楚豈吾願思歸秋向深
故人江樓月永夜千里心落

葉攪鄉夢啼鳥驚越吟寥寥更何有斷續空城砧

登無錫北樓

前人

秋興因危堞歸心過遠山風霜征鴈早江海旅人還
驛樹寒仍密漁舟晚更閒仲宣何所賦祇歎在荆蠻

同溫司徒登萬歲樓

皇甫冉

高樓獨上思依依極浦遙山涵詩選作合翠微江客不堪頻

北望塞鴻何事獨詩選作復南飛維揚古渡寒煙積瓜步空

洲遠樹稀聞道王師猶轉戰誰能談笑解重圍

獨上

集作
獨立

維陽

集作
聊陽

烏程水樓留別

皇甫曾

悠然千里去，惜此一罇同。
客散高樓上，帆飛細雨中。
川程隨遠水，楚思望清風。
共說前期_疑易滄波處，處通

登鶴雀樓

張當

迴臨飛鳥上，高謝<sub>詩選
作出</sub>世人間。
天勢圍平野，河流入斷

山

同前

王之渙

白日依山盡黃河入海流欲窮千里目更上一層樓

一作徹

會稽郡樓雪霽

張繼

江城昨夜雪如花
郢客登樓齊望華
夏禹壇前仍聚玉
西施浦上更飛沙
簾櫳向晚寒風度
睥睨初晴落景斜
數處微明銷不盡
湖山清映越人家

登丹陽樓

前人

寒臯那可望
旅客又初還
迢遞高樓上
蕭疎涼野間
暮

晴依遠水秋興屬連山浮客時相見霜凋朱翠顏

郢城西樓吟

郎士元

連山盡塞水縈迴山上戍門臨水開朱欄直下一百丈
日暖遊鱗自相向昔人愛險閉層城今人復愛閑江清
沙洲楓岸無求客草綠花開山鳥鳴

馮翊西樓

前人

城上西樓倚暮天樓中歸望正悽然近郭亂山橫古渡
野莊喬木帶新煙北風吹鴈聲能苦遠客辭家月再圓

陶令好文常對酒相招一和白雲篇

晚登江樓有懷

李嘉祐

獨坐南樓佳興新青山綠水共為隣爽氣遙分隔浦岫
斜光偏照渡江人心閑鷗鳥時相近事簡漁竿私自親
祇憶帝京不可到秋琴一弄欲沾巾

同孫構免官後登薊樓懷歸 張說

昔在五

一作平

陵時年少心亦壯嘗矜有奇骨必是封侯

相東走到滎州投身事邊將一朝去鄉國十載復亭障

部曲皆武夫功成不相讓猶希虜塵動更取林胡帳去
年大將軍一負樂生謗北別傷士卒南邊死炎瘴濩落
悲無成行登薊邱上長安三千里日夕西南方疑寒沙
榆塞沒秋水灣河漲策馬從此辭雲山保閑放

奉陪渾侍中五日登白鶴樓 盧 綸

南樓倚玉梯朱檻與雲齊顧盼臨霄漢譚諧息鼓聲洪
河斜更直野雨急仍低今日陪樽俎還應醉似泥集作唯當

泥醉作

九日奉陪渾侍中宴白鶴樓

見二百五十卷

寵盛

前篇作
盛裝

九日奉陪令公登白鶴樓詠菊

盧綸

瓊鑄有仙菊可以獻留侯願比三花秀非同百卉秋金
英分藥細玉露結房稠黃雀知恩在銜飛亦上樓

九日同司直九叔崔侍御宴

雜詠
作登

寶鷄南樓

把藥

雜詠
作菊

歎將老上樓悲未還短長新白髮稠疊舊青

山霜氣清襟袖琴聲引醉閑竹林惟七友何幸亦登攀

九日奉陪渾侍中登白鶴樓 前人

碧霄孤鶴發清音上宰因添望闕心睥睨三層連步障
茱萸一朶映華簪紅霞似綺河如帶白露團珠菊散金
此日相從何所問儼然冠劍擁成林

登郡樓寄京師諸季淮南子弟

韋應物

初

集作
始

罷永陽守復卧潯陽樓懸檻飄岑

一作
寒

雨危堞

浸

集作寢

江流逮

集作及

茲聞鴈夜重憶別離秋徒有盈虧

隔

集作酒

百端鎮自憂

集作鎮此百端憂

重陽登滁州城樓憶前歲九日歸灃城上赴崔

都水并

集作及

諸弟子讌集悽然懷舊

韋應物

今日重九讌去歲在京師聊田出崔步一赴郊園期佳

節始云邁周辰已逮

集作及

茲秋山滿清景富貴

集作賞

屬

乖離凋殘

集作散

民里濶推翳衆木衰樓中一長嘯惻愴

起涼颼

重陽鄂城樓送屈突司直

劉長卿

登高復送遠惆悵洞庭秋風景

集作水

同前

作千

古雲山滿

上游蒼蒼來暮雨
淼淼逐寒流
今日關中事
蕭何共爾憂

登僊仁樓訓子壻李穆

前人

臨風啟麗譙
落日聽吹簫
歸路空回首
新章已在腰
非才受官謗
無政作人謠
儉歲安三戶
餘年寄六條
春燕

生楚國古樹過隋朝
賴有東牀客池塘晚寂寥

九日題蔡國公主樓

前人

主第人何在重陽客
覓尋水餘龍鏡色雲罷鳳
簫音暗牖藏昏旦蒼苔
換古今晴山卷幔出秋草
閉門深籬菊仍新吐庭
槐尚舊陰年年畫梁燕來
去獨集作無心

和顏

集作

使君登潤州城樓

前人

山城迢遞敞高樓
露冕吹簫居上頭
春草連天隨北望
夕陽浮水共集作東流
江田漠漠全吳地
野樹蒼蒼故

蔣州王粲曾為南郡客別來無處更銷憂

同裴錄事樓上望

釋皎然

退食高樓上湖山向晚晴
桐花落萬井月影出重城
水竹涼風起簾幃暑氣清
蕭蕭獨無事因見蒞人情

九日陪顏使君真卿登水樓 前人

重陽荆楚尚高會此難陪
偶見登龍客同遊戲馬臺
風文尚水疊雲態擁歌迴
持菊煩相問捫襟愧不才

登潤州芙蓉樓

崔峒

上古人何在東流水不歸往來潮有信朝暮事成非煙
樹臨沙靜雲帆入海稀郡樓多逸興良牧謝元暉

同崔邠登鶴雀樓

李益

鶴雀樓前

集作南

百尺檣汀洲雲

集作寒

樹共茫茫漢家簫

鼓空流水魏國山河滿

集作半

夕陽事去千年猶恨促

集作

連愁來一日即為

集作知

長風塵并在思鄉望

集作風煙併是思歸

望
遠目非春亦自傷

登寧州城樓

楊巨源

宋玉本悲秋今朝更上樓清波城下去此意重悠悠晚
菊臨杯思寒山滿郡愁故關非內地一為漢家羞

同薛侍御登黎陽縣樓眺黃河

楊巨源

倚檻恣流目高城臨大川九回紆白浪一半在青天氣
肅晴空外光翻曉日邊開襟值佳景懷抱更悠然

道州城北樓觀李花作

呂溫

夜疑關山月曉似沙場雪曾使西域來幽情坐超越將

念浩無際欲言亡所說豈是感懷抱人自憐孤節

道州秋夜南樓卽事

前人

誰令獨坐愁昔日此南樓雲去舜祠閉月明瀟水流猿
聲何處曉楓葉滿山秋不照匣中鏡少年看白頭

登咸陽北寺樓

張籍

高秋原上寺下馬一登臨渭水西來直集作急秦山南向

集作去深舊宮人不見集作住荒碣路難尋日暮涼風起蕭

條多遠心

登法雄寺東樓

前人

汾河舊宇今為寺，猶有當時歌舞樓。
四十年來車馬客，古槐深巷暮蟬愁。

重到江州感舊遊題郡樓十一韻

白居易

掌綸知是忝剖竹，信為榮才薄官。
仍重恩深責尚輕，昔徵從典午今出自承明。
鳳詔休揮翰，漁歌欲濯纓。
還乘小舫，艇却到古湓城。
醉客臨江待禪僧，出郭迎青山滿。

眼在白髮半頭生又校三年老何曾一事成
重過蕭寺宿再上庾樓行雲水新秋思問閣
舊日情郡民猶認得司馬詠詩聲

江樓望歸時避難越地

一作在越中

白居易

滿眼雲水色月明樓上人旅愁春入越鄉夢
夜歸秦道路遙荒服田園隔虜塵悠悠滄海
畔十載避黃巾

晚登天雲寺南樓贈常禪師

已見二百二十二卷

白居易

庾樓晚望

前人

獨憑朱檻立陵晨
山色初明水色新
竹霧曉籠銜嶺月
蘋風暖送過江春
子城陰處猶殘雪
衙鼓聲前未有塵
三百年來庾樓上
曾經多少望鄉人

題岳陽樓

前人

岳陽城下水漫漫
獨上危樓凭曲欄
春岸綠時連夢澤
夕陽集作波紅處近
長安猿攀樹立啼
何苦鴈點湖飛渡

亦難此地惟堪畫圖障華堂張與貴人看

易州登龍興寺望郡北高峯 賈 島

郡北最高峯巉巖絕雲路朝來上樓望稍覺得幽趣
朦朧碧烟裏羣嶺若相附何時一登陟萬物皆下顧

夏夜登南樓 前人

水岸閒

一作寒非

樓帶月躋夏林初見岳陽溪一點新螢報

秋信不知何處是菩提

杪秋登江樓

周 賀

平楚起寒色長沙猶未還
世情何處澹湘水向人閑
空翠隱高鳥夕陽歸遠山
孤雲萬餘里惆悵洞庭間

文苑英華卷三百十二

欽定四庫全書

文苑英華卷三百一十三 宋 李昉等 編

居處三

樓三十二首

臺三十七首

樓

江樓春望

于武陵

樓上長江路舟車盡不閑
鳥聲非故國春色是他山
一望雲復水幾重河與關
愁心隨落日萬里各西還

題安州浮雲寺樓寄湖州張郎中

杜牧

去夏疎雨餘同倚朱欄語當時樓下水今日到何處恨
如春草多事與孤鴻去楚岸柳無窮

集作何窮

別愁紛若絮

此詩二百六十一卷重出今已削去

登池州九峯樓寄張祜

前人

百感中

集作裏

來不自由角聲孤起夕陽樓碧山終日思

無盡芳草何年恨即休曉在眼前長不見道非身外欲

集作
更何求誰人得似張公子千首詩輕萬戶侯

此詩二百六十卷重出今已削去

過勤政樓

前人

千秋令

集作佳

節名空在承露絲囊世已無惟有此苔偏

得

集作稱

意年年因雨灑

集作上

金鋪

江樓夜別

許渾

離別奈情何江樓凝艷歌蕙蘭秋露重蘆葦夜風多深
怨寄情瑟遠愁生翠蛾酒酣相顧起明月棹寒波

登尉佗樓

前人

劉項持兵鹿未窮，自乘黃屋島夷中。
南來作尉任蠶力，北向稱臣陸賈功。
簫鼓尚陳今世廟，旌旗猶鎮昔時宮。
越人未必知虞舜，一奏薰絃萬古風。

題韶州驛樓

集作韶州韶陽樓夜譙

前人

待月江

集作西

樓捲翠羅玉盃，瑤瑟近星河。
簷前碧樹窮

秋，窻外青山薄暮。

一作霧

多鳴鶴，未知狂客舞。

集作醉 鷓

鷓先讓美人歌，使君不

集作莫

惜通宵醉

集作飲

刀筆初從

馬伏波

咸陽城西

集作東

樓晚眺

前人

一上高城萬里愁
蒹葭楊柳似汀洲
溪雲初起日沉閣
山雨欲來風滿樓
烏下綠蕪秦苑夕
蟬鳴黃葉漢宮秋
行人莫問前朝事
渭水寒聲晝夜流

一作當時

和崔夫人新廣北樓登眺

前人

北望高樓夏亦寒
山重水濶接長安
修梁暗換丹楹少
疎牖全開彩檻寬
風卷浮雲披睥睨
露涼明月墜

一作墮

闌干度公戀闕懷鄉處目送歸帆下遠灘

北樓

李商隱

春物豈相干人生只強歡花猶曾斂夕酒竟不知寒異
域東風濕中華上象寬此樓堪北望輕命俯集作倚危欄

夕陽樓

在滎陽蕭侍郎守滎陽日作

前人

花明柳暗曉天愁上盡重城更上樓欲問孤鴻向何處
不知身世自悠悠

酬牛秀才登樓見示

薛逢

旅館再經秋心煩懶上樓年光同過隙人事且隨流骨
肉憑書問鄉闕託夢遊所嗟山郡酒傾盡只添憂

嘉州驛樓晚望

姚鵠

樓壓寒江上開簾對翠微斜陽諸嶺暮古渡一僧歸
窻迥雲衢起汀遙鳥背飛誰言坐多倦目極自忘歸

楚州宴花樓

趙嘏

門外煙橫載酒船謝公攜客醉華筵尋花偶坐將軍樹
飲酒方重刺史天幾曲艷歌春色裏斷行高鴈暮雲邊

分明聽得與人語願及行春更一年

登安陸西樓

前人

樓上華筵日日開眼前人事祇堪哀
征車自入紅塵去
遠水長穿綠樹來雲雨暗更歌舞伴山川不盡別離盃
無由併寫春風恨欲下鄖城首重回

鶴雀樓晴望

馬戴

堯女樓西望人懷太古時海帆通禹穴山木閉虞祠
烏道殘虹挂龍潭返照移行雲如可馭萬里赴心期

同蕭山陳明府

集作
官長

縣樓登望

方干

坐看南北與西東，遠近無非禮義中。
一縣繁花香送雨，

五株垂柳綠牽風。
畫潮背海

集作
郭

喧，還靜驛路穿林斷。

復通仲叔受恩多，感戀徘徊却惜

集作
怕

酒壺空。

長沙陪裴大夫登北樓

李羣玉

巖嶂隨高步，琴樽奉勝遊。
金風吹綠簾，湖

集作
湘

水入朱

樓。朗抱雲開，月高情鶴見。
秋登臨多暇，日非為賦消憂。

江樓閒望懷闕內親知

集作闕
中親故

李羣玉

搖落江天欲盡秋，遠鴻高送一行愁。
音書寂絕秦雲外，身世蹉跎楚水頭。
年貌暗隨黃葉去，時情深付碧波流。
風淒日冷湘光澹，集作江湖晚駐目寒空獨倚樓。

漢陽太白樓

前人

江上晴樓雲靄間，滿簾江水滿窓山。
青楓綠草將愁去，遠入吳雲暝不還。

題樟亭驛樓

喻坦之

危檻倚山城，風帆檻外行。
日生滄海赤，潮落浙江清。
秋晚遙峯出，沙乾細草平。
西陵烟樹色，長見伍員情。

題河中鵲雀樓

張喬

高樓懷古動悲歌，鵲雀今無野燕過。
樹隔五陵秋色早，水連三晉夕陽多。
漁人遺火成寒燒，牧笛吹風起夜波。
十載重來值搖落，天涯歸計欲如何。

江樓作

前人

憑檻見天涯非秋亦可悲
晚天帆去疾春雪燕來遲
山水分鄉縣干戈足別離
南人廢耕織早晚罷王師

渭陽樓閒望

鄭谷

千里二華見皇州望盡凝嵐
即此樓細雨不藏秦樹色
夕陽空照渭河流前車寧見
後車覆今日難忘昔

某作昨

日憂擾擾塵中猶

某作殊

未已可能疏傳獨能休

陪郢州張員外宴白雪樓

許棠

高情日日閒多宴雪樓間
灑檻江上雨當筵天際山帶

帆分浪色駐樂話朝班豈料羈遊者樽前得解顏

雨後從陶郎中登庾樓

王真白

島邊漁艇聚天畔鳥行分此景堪誰畫文翁請綴文

豫章江樓望西山有懷

陳陶

水護星壇列太虛煙霓十八上仙

一作真

居時人未識遼

東鶴吾祖曾傳寶鼎書終日章江催白鬢何年丹竈見
紅葉桃花谷口春深淺欲訪先生亦鯉魚

鳳州北樓

羅鄴

城上層樓北望時
閑雲遠水自相宜
人人盡道堪圖畫
枉遣山翁醉習池

慈恩寺東樓

曹松

寺樓涼出竹非與
曲江賒野水流穿苑
疑秦山壘入巴

風容離衆葉

一作葉

岸角積虛沙
此地鐘聲近
令人思海

涯

早登新安縣樓

羅隱

闕城樹色齊
往事未全迷
塞路真人氣
封門壯士泥
草

濃延蝶舞花密教鶯啼若以鳴為德鸞凰不及鷄

登夏州城樓

前人

寒聲獵獵戍旗風獨倚危樓

集作欄

悵望中萬里山河唐

地土千年魂魄晉英雄離心不忍聽邊馬往事應須問
塞鴻好脫儒冠從校尉一枝長戟六鈞弓

登宛陵條風樓寄竇常侍 前人

亂離時節懶登臨試借條風半日吟只有遠

集作遠
見晚

山

舍煖律不知高閣動歸心溪喧晚棹千聲浪雲護寒郊

數丈陰自笑疎慵似麋鹿也教臺上費黃金

臺

登琴臺

梁簡文帝

蕪階踐昔徑復想鳴琴遊音容萬春罷高名千載留弱
枝生古樹舊石染

一作沒初
學記作深

新流由來遞相嘆逝川終

不收

此詩一百七十四卷重出今已削去注異同為一作

過建章故臺

庾肩吾

魯國觀遺殿韓城想舊臺仲宣原隰滿子建悲風來夏

蓮猶反植秋窓尚左

一作不

開圖雲仍溜

集作洩

雨書石

集作

畫水即生苔及君觀

類聚作散

四望知余念

集作詠

七哀

宮殿石

類聚作名

登臺

祖孫登

獨有相思意聊啟鳳凰臺蓮披

集作枝

香稍上月明光正

來離鵠

類聚作鵠

將雲散飛花似雪迴遙思竹林友前窓夜

夜開

相如琴臺

廬照隣

聞有雍容地千年無四鄰
園院風煙古池臺松檟春雲
疑作賦客月似聽琴人
寂寂啼鳥處空傷遊子神

登越王臺

宋之問

江上越王臺登高望幾回
南溟天外合北戶日邊開
地濕煙常起山晴雨半來
冬花掃盧橘夏果摘楊梅
跡類虞翻枉人非賈誼才
歸心不可見集作可度白髮重相催

登裴秀才廸小臺

王維

端居不出戶滿目空雲山
落日鳥邊下秋原人外閒
遙

知遠林際不見此簷間好客多乘月應一作門莫上闌

登九思

集作臺是楚樊里

張說

楚國所以霸樊姬有力焉不懷沈尹祿誰諳集作叔敖

賢萬化茫無在孤墳獨巋然北分陽臺陌南識郢城阡

漠漠渚宮樹蒼蒼雲夢田登高形勝出訪古今名傳自

我來符守因君樹蕙荃詩書將變俗締纒忽彌天集作

志闌三折後愁值二毛前佇立帝京路遙心寄此篇

登古陽雲臺

張九齡

庭樹日衰颯風霜未云已駕言遣憂思乘興求相似楚
國茲故都蘭臺有餘址傳聞襄王世仍立巫山祀方此
全盛時豈無嬋娟子色荒神女至魂蕩宮觀裏蔓草今
如積朝雲為誰起

陪王司馬登薛公逍遙臺

前人

嘗聞薛公淚非直雍門琴竄逐留餘跡悲涼見此心府
中因暇豫江上幸招尋人事已成古風流獨至今閒情
多感歎清景斲登臨無復甘棠在空餘蔓草深晴光送

遠目勝氣入幽襟水去朝滄海春來換碧林賦懷湘浦
弔碑想漢川沉曾是陪遊日徒為梁甫吟

琴臺

杜 甫

茂陵多病後尚愛卓文君酒肆人間世琴臺日暮雲野
花留寶鬢蔓草見羅裙歸鳳求凰意寥寥不復聞

鳳凰臺

山峻人不
至高頂

前 人

亭亭鳳凰臺北對西康州西伯今寂寞鳳聲亦悠悠山
峻路絕蹤石林氣高浮安得萬丈梯為君居集作上頭

恐有無母鵲饑寒日啾集作啾啾我能剖心出飲啄慰孤

愁心以當竹實烟然忘外求血以當醴泉豈徒比清流

所重王者瑞敢辭微命休坐看綵翮舉集作長縱意八極

周自天銜圖識集作瑞圖飛下十二樓圖以獻集作奉至尊議

以垂鴻猷再光中興業一洗蒼生憂深衷正為此羣盜

何淹留

登單父陶少府半月臺 李白

陶公有逸興不與常人俱築臺像半月迥出高城隅置

酒望白雲高
飈飛落梧

集作高
飈起寒梧

秋山入遠海
桑柘羅

平蕪水色綠
且清明

集作明

令人思鏡湖
終當過江去
愛此

暫踟躕

陵歌臺

前人

曠望登古臺
臺高極人目
疊嶂列遙

集作連

空雜花間平

陸閒雲入窓
牖野翠生松
竹欲覽碑上
文苔侵豈堪
讀

登金陵鳳凰臺

前人

鳳凰臺上鳳
凰遊鳳去臺
空江自流吳
時

集作宮

花草埋

幽逕晉代

集作國

衣冠成古丘三山半落青天外二水中

分白鷺洲總為

集作盡道

浮雲能蔽日長安不見使人愁

蘇臺覽古

前人

舊苑荒臺楊柳新採菱歌唱不勝春只今惟有西江月
曾照吳王宮裏人

秋日登吳公臺上寺遠眺

寺即陳將吳明徹戰地集作塲

劉長卿

古臺搖落後秋入望鄉心野寺來人少寒峯隔水深夕

陽依舊壘寒磬滿空林惆悵南

集作前

朝事長江獨至今

嚴陵釣臺送李康成赴江東使

劉長卿

潺湲子陵瀨髣髴如在目七里人已非千年水空綠新
安江上孤帆遠應逐楓林萬餘轉古臺落日自蕭條寒
水無波更清淺臺上漁竿不復持却令猿鳥向人悲灘
聲山翠至今在遲爾行舟晚泊時

登戲馬臺作

儲光羲

君不見宋公杖鉞誅燕后英雄踴躍爭趨走小會衣冠
呂梁壑大徵甲卒礪礪口天開神武樹元勳九日茱萸
饗六軍泛泛樓船遊極浦搖搖歌吹動浮雲居人滿目
市朝變霸業猶存齊楚甸泗水南流桐栢川沂山北走
瑯琊縣滄海沉沉晨霧開彭城烈烈秋風來少年自言
未得意日暮蕭條登古集作臺

題嚴陵釣臺

張繼

舊隱人如在清風亦似秋客星沉夜壑釣石俯春流烏

向喬枝聚魚依淺瀨遊古來芳餌下誰是不吞鈎

阮公嘯臺

包融

荒臺森荆杞蒙籠無上路傳是古人跡阮公長嘯處至
今清風在時時動林樹逝者昔已遠升攀想遺趣靜然
荒榛間久之若有晤靈光未歇滅千載知仰慕

仙女臺

釋皎然

寂寞舊桑田誰家女得仙應無鷄犬在空有子孫傳古
木花猶發荒臺月尚懸暮來雲一片

一作行雲
低不散

疑是却

歸年

和邢端公登臺春望句句有春字之什

釋皎然

春日繡衣輕春臺別有情
春煙間草色春鳥隔花聲
春樹亂無次春山遙得名
春風正飄蕩春甕莫須傾

嚴公釣臺

顧况

靈芝產遐方威鳳家重霄
嚴生何耿潔託志肩夷巢
漢后雖則貴子陵不知高
糠粃當世道長揖夔龍朝
掃門

彼何人升降不同朝捨舟遂長往山谷多清飈

辭魏博田尚書出境後感恩戀德因登藜臺

楊巨源

薦書及龍鍾此事鏤心骨親知殊浪浪

疑作恨恨

徒御方咄

咄

賓朋愴別
像僕請行

藜臺邯鄲郭臺上見新月離恨始分明

原闕

二更超忽懷仁淚空盡感事情又發他時躡履聲曉日

照丹闕

題嚴光釣臺

歐陽詹

弭棹歷塵跡悄然關我情伊無昔時節豈有今時名辭
貴不辭賤是心誰復行欽哉此溪曲永獨古風清集作
英風

聲

經嚴陵釣臺貽同舟者

三字集
作行侶

許渾

故人天下定歸釣獨悠悠

集作碧
巖幽

舊跡隨臺古高名寄

水流烏喧羣木晚蟬吟

集作
急

衆山秋更待新安月憑君

暫駐舟

陵歌臺

前人

宋祖高臺

集作陵歌

樂未迴三千歌舞宿層臺
湘潭雲盡暮

山出巴蜀雪消春水來
行殿有基荒薜合寢園無主野

崇開百年應

集作便

作萬年計巖上

集作畔

古碑空綠苔

青陵臺

李商隱

青陵臺畔日光斜
萬古貞魂倚暮霞
莫許韓憑為蛺蝶
等閒飛上別枝花

姑蘇臺

曹鄴

吳宮酒未銷又宴姑蘇臺美人
和淚去半夜閨門開相對正
歌舞笑中間鼓鞀星散九重
門血流十二街一去成萬古
臺盡人不回時聞野田中
拾得黃金釵

登盧氏臺

溫庭筠

勝地當通邑前山有故居
臺高秋盡出林斷野無餘
白露鳴蛩急天時疑作晴天
度鴈踈由來放懷地非獨
在吾廬

燕臺二首

聶夷中

燕臺累黃金上欲招儒雅
貴得賢士來更下於隗者
自

然樂毅徒趨風走天下何必馳鳳書旁求向林野

二

燕臺高百尺燕滅臺亦平一種是亡國猶得禮賢名何
似章華畔空餘禾黍生

題賈島吟詩臺

張喬

吟魂不復遊臺亦似荒丘一徑草中出長江天外流
暝烟寒鳥集殘月夜蟲愁願得生禾黍鋤平恨即休

姑蘇臺

劉駕

勾踐飲膽日吳酒香滿杯笙歌入海雲聲自姑蘇來西
施舞初罷侍兒整金釵衆女不敢妒自比泉下泥越鼓
聲騰騰吳天滿塵埃難將甬東地更學會稽樓霸跡一
朝盡草中棠梨開

陵歌臺

羅鄴

高臺今古

一作日

竟

一作境

長閒因想興亡百

疑一作自

慘顏四

海已歸新雨露六朝空認舊江山槎翹獨鳥汀洲

一作沙汀

畔風亞荒榛雨雪間

一作風過雪浪間

好是輪蹄來往便誰人

不向此躋攀

望仙臺

前人

千金壘土望三山望

一作雲

鶴無蹤羽衛還若說神仙求

便得茂陵何事隔


一作在

人間

姑蘇臺

羅隱

讓高秦伯開基日賢見延陵復命時
未會子孫因底事
解崇臺榭為西施



文苑英華卷三百一十三

欽定四庫全書

集部

文苑英華卷三百十六
四至

詳校官太僕寺卿臣李廷欽

助教臣常循覆勘

總校官進士臣朱鈞

校對官中書臣王鍾泰

謄錄監生臣崔鶴立

欽定四庫全書

文苑英華卷三百十四

宋 李昉等 編

居處四

閣四十首

堂二十三首

閣

登州中新閣

庾 信

跨虛陵倒景連雲拒少陽
璇極龍鱗上雕甍鵬翅張
千尋文杏照十里木蘭香
開窓對高掌平生望河梁
歌響

開天樂鍾聲徹建章賦用王延壽書須韋仲將龍來隨
畫壁鳳起逐吹簧石作芙蓉影池如明鏡光花梁反披
葉蓮井倒垂房徒然思驚賀無以預鵲翔

登宇文內史入重陽閣

前人

北原風雨散南宮容衛跡待詔還金馬儒林歸石渠徒
懸仁壽鏡空聚茂陵書竹淚垂秋筍蓮衣落故葉顧成
始移廟陽陵正徙居舊蘭憔悴長殘花爛漫舒別有昭
陽殿長悲故婕妤

登禪定寺閣

宋之問

梵宇出三天，登茲望八川。
開襟坐霄漢，揮手拍雲煙。
函谷青山外，昆明落日邊。
東京楊柳陌，少別已經年。

使過襄陽登鳳林寺山閣
前人

香閣臨清漢，丹梯隱翠微。
林篁天際密，人世谷中違。
苔石銜仙洞，蓮舟泊釣磯。
山雲浮棟起，江雨入庭飛。
信美隨南國，嚴程限北歸。
幽情不可再，留步惜芳菲。

和崔侍御日用遊開化寺閣
吳少微

左憲多才雄故人尤鷲鸚護贈單于使休軺太原郭館
次厭煩歎清懷尋寂寞西緣十里餘北上開花閣初入
雲樹間冥蒙未昭廓漸出欄楯外萬里秋景焯歲晏風
落山天寒水歸壑覽物頌幽果至乘動玄鑰但敷利解
言永用忘昏著

岳州九日宴道觀西閣

張說

搖落長年歎蹉跎遠宦心北風嘶代馬南浦宿陽禽住
此黃花酌酣餘白首吟涼雲霾楚望濛雨蔽荆岑登眺

思晴景誰將卷濁陰
釣歌出江霧樵唱入山林
魚以佳

一作嘉

名採木為美材
侵大道由中悟
逍遙匪外尋
參佐

多君子詞筆妙賞

一作賞達

音留題

一作淹留

洞庭觀望古意何

深

一作佳歲
時雜詠

登總持寺閣

張九齡

香閣起崔嵬
高高沙版開
攀躋千仞上
紛詭萬形來
草間商君陌
雲重漢后臺
山從幽谷斷
川向斗城回
林裏春容變
天邊客思催
登臨信為美
懷遠獨悠哉

晚憇王少府東閣

前人

披軒肆流覽，雲壑見深重。
空水秋彌淨，林烟晚更濃。
座隅分洞浦，簷際列羣峯。
竒迹生幽意，參差多異容。
還慚大隱跡，空想列仙蹤。
賴此昇攀處，蕭條得所從。

宿雲門寺閣

孫逖

香閣東山下，煙花象外幽。
燃燈千嶂夕，卷幔五湖秋。
畫壁飛鴻鴈，紗窓宿斗牛。
更疑天路近，夢與白雲遊。

西閣曝背

集作日

杜甫

凜冽倦玄冬，負暄嗜飛閣。羲和流德澤，顛項媿倚薄。毛

髮具自私

集作和

肌膚潛沃若，太陽信深仁。衰氣歟有託

歌，傾煩注眼容。易收病脚，澗瀉木梢猿。

集作流離木杪

翩翩集作

德

山巔鶴明知，苦聚散哀樂亦已昨。

集作日乙作

即事會賦

詩人生忽如錯

集作昨

古來遭喪亂，賢聖盡蕭索。胡為將

暮年憂世心，力弱

飛仙閣

前人

出

集作土

門山行窄微徑綠

集作徑微上

秋毫棧雲欄，干峻梯

石結構牢萬壑歌疎林積陰帶奔濤寒日外淡泊長風
中怒號歌鞍在地底始覺所歷高往來雜坐卧人馬同
疲勞浮生有分定饑飽豈可逃歎息謂妻子我亦集作何
隨汝曹

龍門閣

前人

清江下龍門絕壁無尺上長風駕高集作白浪浩浩自太

古危途中縈盤集作縈盤道仰望垂綫縷滑石歌誰鑿浮梁

裊相拄目眩隕雜花頭風吹過集作過飛雨百年不敢料一

墜那得取飽聞集作經瞿唐足見度大庾終身歷艱險
恐懼從此數

登瓦官寺閣

李 賓

晨登瓦官閣極眺金陵城鍾山對北戶淮水入南榮漫
漫雨花落嘈嘈天樂鳴兩廊振法鼓四角吹集作風箏

杳出霄漢上仰攀日月行山空霸氣滅地古寒陰生寥

廓雲海晚蒼茫宮觀平門餘閣闔宇樓識鳳凰名雷作

百川集作動神扶萬拱傾靈光一向集作貴長此鎮吳

京

登巴陵開元寺西閣贈衡嶽僧方外

前人

衡嶽有開士五峯秀真骨見君萬里心海水照秋月大

臣南溟去問道皆請謁酒以集作明非甘露言清涼潤肌髮

湖海落天鏡香閣陵銀闕登眺餐惠風新花期啟發

同皇甫冉登玄閣

李嘉祐

高閣朱欄不厭遊蒹葭白水遶長洲孤雲獨鳥川光暮

萬井千山海氣秋清梵林中人轉靜夕陽城上角偏愁
誰堪遠作秦吳別離恨歸心雙淚流

題鮑行軍小閣

嚴維

宇下無留事經營意獨新
文房已得地相閣是推輪
席上招賓急山陰對雪頻
虛明先旦暮啟閉異冬春
談笑兵家法逢迎幕府賓
還將負暄處時借在陰人

晚霽登王六東閣

前人

試上江樓望初逢山雨晴
連空青嶂合向晚白雲生
俊

美要殊觀蕭條見遠情情來不可極日暮水流清

登景雲寺閣

張亢宗

胡馬飲河洛我家從此遷今來獨垂淚三十六峯前

晚霽登汝南大雲閣

賈彥璋

禪宮新雨歇香閣晚登臨
色樹晴光起川苗佳氣深
水包城下岸雲細郢中岑
自歎牽卑日聊開望遠心

宿香山閣

前人

瞑望香山閣梯雲宿半空
軒窓閉潮海枕席拂煙虹
朱

網防棲鴿紗燈護夕蟲一聞鷄唱曉已見日瞳瞳

登聖善寺閣

褚朝陽

飛閣青雲裏先秋獨早涼
天花散窻近月桂拂簷香
華嶽三峯小黃河一帶長
空聞指歸路煙處是垂楊

和嚴長秋日登太原龍興寺閣野望

歐陽詹

百丈化城樓君登最上頭
九霄回棧路八到視并州
煙火遺堯庶山河啟聖猷
短垣齊介嶺片白指分流
清鐸

中天籟哀鳴下界秋境閑知道勝心遠見名浮豈念乘
肥馬方應駕大牛自憐蓬逐吹不得與良遊

和太原鄭中丞登龍興寺閣 前人

青窓朱戶半天開極目凝神望幾迴晉國頽墉生草樹
皇家瑞氣在樓臺千條水入黃河去萬點山從紫塞來
獨恨侍遊違長者不知高意是誰陪

登天宮閣

白居易

午時乘興出薄暮未能還高上煙中閣平看雪後山委

形羣動裏任性一生閒洛下多閑容其中我最閒

題宣州開元寺水閣

杜牧

六朝文物草連空天澹雲閒今古同
鳥去鳥來山色裏人歌人哭水聲中
深秋簾幕千家雨落日樓臺一笛風
惆悵無因逢范蠡參差煙樹五湖東

天河閣到啼猿閣即事

顧非熊

萬壑褒中路何曾不駕虎濕雲和棧起
焦枿帶餘畬畬餘巖狖牽垂果湍禽接迸魚
每逢維艇處塢裏有人居

疑作

題天雲寺西閣

薛能

閣臨偏險寺當山，獨坐西城笑滿顏。
四野有歌行路樂，五營無戰射堂閒。
輦和調角秋空外，砧辦征衣落照間。
方擬殺身酬聖主，敢於高處戀鄉關。

題開元寺閣

前人

一閣見一郡，亂流仍亂山。
未能終日住，尤愛暫時閑。
唱棹吳門去，啼林杜宇還。
高僧不可羨，西景掩_長關。

秋宿青龍禪閣

李洞

前山不可望暮色漸沉
圭日轉須彌北蟾來渤澥
西風林亂僧話霜枯
疑欠猿啼閣外千家夢
分明見裏迷

湖閣

李羣玉

楚色籠秋草秋光洗洞庭
夕霏生水寺初月落
集作雲

汀棹響來空濶漁歌去
集作杳冥欲浮欄下艇一到斗

牛星

題宣州開元寺閣

張喬

誰家煙徑長莓苔金碧虛
欄竹上開流水遠分山色
斷

清猿時帶角聲來六朝明月唯詩在三楚空山有鴈迴
達理始應盡疑惆悵僧閒應得話天台

回鑿閣寫望

前人

古閣上空半寥寥千里心多年爲客路盡日倚欄吟微
疑壓秦川重深來虜塞心疑回鑿今不見煙霧杳沉沉

滕王閣寫望

前人

創來人世殊幾度統汀盧一作盧疊浪有時有閒雲無日

無早涼先燕去返照後帆孤未得榮歸計菱歌滿舊湖

登寶歷寺閣

陳陶

金碧高層世界空，
凭蜺長嘯八蠻風。
橫軒水壯蛟龍府，
倚棟星開牛斗宮。
三楚故墟殘景北，
六朝荒苑斷山東。
不堪懷古勞悲笑，
安得鵬搏顛氣中。

和西江

一作江南

李助副使早登開元寺閣

前人

虛豁登寶閣，
三休極層構。
獨立天地間，
煙雲滿襟袖。
龜荒初落日，
劍野呈綺繡。
愁檻祝融微，
陰軒九江湊。
拂簷

皇姑舍錯落白榆秀倚砌天竺祠蛟龍蟠古甃倏然觀
六合一指齊宇宙書劔忽若闕青雲日方書南朝空蒼
莽楚澤稀耕耨萬事溺頽波一航安可沒疑徒云寄麟
泣六五終難就資斧念徐生湖光隱圭竇早聞羣黃鶴
飄舉此江岫陵谷空藹然人樵已鵲鷺燕宮豸冠客憑
覽發清奏珠玉難嗣音擬轅愧孤陋

夏月題遠公北閣

羅鄴

危閣壓山岡晴空疑鳥行勝搜花界盡響益梵音長有

月堪先到無風亦自涼
人煙紛繞繞諸疑樹共蒼蒼
楊戀高樓語甌憐晝茗香
此身閒未得驅馬入殘陽

登瓦官寺閣

羅隱

下盤空跡上雲浮
偶逐僧行步步愁
暫憇已知須用意
漸危爭忍不回頭
煙中樹老重江晚
鐸外風輕四境秋
懶指臺城更東望
鵲飛龍闕盡荒邱

揚州

集作廣陵

開元寺閣上作

前人

滿檻山川漾落暉
檻前前事去如飛
雲中鷄犬劉安過

月裏笙歌煬帝歸江蹙海門帆散去地吞淮口樹相依
紅樓翠幕知多少長向東風有是非

滕王閣春日晚眺

曹松

陵春帝子閣偶眺日移西浪勢平花塢帆陰上柳堤凝
嵐藏宿翼疊鼓碎歸蹄只此長吟詠因高思不迷

題昭州山寺常寂上人水閣 前人

常寂常居常寂裏年年月月是空空塔前未放巖根斷
屋下長教海眼通本為入來尋佛窟不期行處踏龍宮

他時憶着堪圖畫一朶雲山二水中

堂

疏圃堂

庾肩吾

北宮多暇豫時駕總鸞鑣路靜繁茂撒輪移羽蓋飄臨
空坐飛觀回首望浮橋風長曙鍾近地迥

初學記
作遠

洛城

遙疎林不礙目

初學記
作日

澗浦暫通潮徒然等賓從並作

愧羣僚

文翁講堂

盧照隣

錦里淹中館岷山稷下亭空梁無燕雀古壁有丹青
槐落猶疑市苔深不辨銘良哉二十石江漢表遺靈

酬楊比部員外暮宿琴堂朝躋書閣率爾見贈

之作

王維

舊簡拂塵看鳴琴俟

集作候

月彈桃源迷漢姓松樹有秦

官空谷歸人少青山背日寒羨君棲隱處遙望白雲端

草堂

杜甫

昔我去草堂蠻夷塞城都今我歸草堂此

集作成

都適一作

此無虞請陳初亂時反覆乃須臾

集作斯須

大將赴朝廷羣

小起異圖中宵斬白馬盟歎氣已麤西取邛南兵北斷

細閣隅布衣數十人亦擁專城居其勢不兩大始聞藩

漢殊西卒却倒戈

集作倒十戈

賊臣互相誅焉知肘腋禍自

及梟獍徒義士猶

集作皆

痛憤紀綱亂相踰一國實三公

萬人

集作民

欲為魚唱和作威福孰肯辨無辜眼前列祖

械背後吹笙竽談笑行殺戮血流

集作濺血

滿長衢到今用

越地風雨聞號呼鬼

集作人

妾與鬼馬色悲克爾娛國家

法令在此又足驚吁賤子且奔走三年望東吳弧矢暗

江海難為遊五湖不忍竟捨此復來難榛蕪入門四松

在步錄

集作
步

萬竹踈舊犬喜我歸低徊入衣裾隣舍喜

我歸酌酒提葫蘆

集作
提壺

大官知

集作
喜

我來遣騎問所

須城郭知

集作
喜

我來賓客隘

集作
隘

村墟天下方

集作
尚

未

寧健兒勝腐儒

飄飄

集作
飄飄

塵埃

集作
風塵

際何地置老夫於

時是疣贅骨髓幸未枯飲啄媿殘生食薇不敢餘

終南山雙峯草堂作

岑參

歐路

集作
迹

歸山田偃息

集作
息心

謝時輩畫還草堂卧但以

集作
與

雙峯對興來恣佳遊事愜符勝槩著書高窓下日

夕見城內曩為世人誤遂負平生愛久與林壑辭及來

杉松大偶茲精廬近屢得

集作
數預

名僧會有時逐

集作
樵

漁 盡日不冠帶崖口上新月石門破蒼藹色向羣木深

花搖一潭碎緬懷鄭生谷頗憶巖子瀨勝事猶可追斯
人邈千載

裴六書堂

王昌齡

閒堂閉空音

一作陰

竹林但清響窓下長嘯客區中無遺

想經綸精微言兼濟當獨往

過橫山顧山人草堂

劉長卿

祇見山相掩誰言路尚通人來千嶂外犬吠百花中細
草香帶雨垂楊閑自風却尋樵徑去惆悵綠溪東

題王十九茅屋

李嘉祐

滿庭多種藥人里作山家終日能留客凌寒亦對花
海鷗過竹嶼門柳拂江沙知爾卑棲意題詩美白華

題武陵草堂

楊浚

草堂列仙樓上在青山頂戶外窺數峯階前對雙井雨
來花盡濕風度松初冷登棧行不疲入溪語彌靜本能
去塵服兼欲事金鼎正直心所存諂諛長自省適知幽
遁趣已覺煩慮屏更愛雲林閑吾將卧南潁

題鄭拾遺草堂

韋應物

借地建

集作結

茅棟橫竹挂朝衣秋園雨中綠幽居塵事

違陰

集作涼

井夕蟲亂高林霜果稀子有白雲意構此想

巖扉

湖南草堂讀書招李少府

釋皎然

削去僧中事南池便隱居為憐松子壽還卜道家書藥
院常無客茶罇獨對余有時招送吏來飯野中蔬

過趙居士擬置草堂處所

王建

休師竹林北空可兩三間雖愛獨居好終來相伴閒猶
嫌近前樹為好看南山的有深耕處春初須早還

錢侍郎使君以題廬山草堂詩見示因以戲

集作

酬之 見二百五
十八卷

題別遺愛草堂兼呈李十使君

李十亦嘗隱
廬山白鹿洞

前人

曾住鑪峯下書堂對藥臺
斬新蘿徑合依舊竹窓開
砌水親看決池荷手自栽
五年方斲至一宿又須回
縱未長歸得猶勝不到來
君家白鹿洞聞道亦生苔

冬夜宴河東李相公堂

命笙歌送酒見
二百十六卷

劉禹錫

後梁宣明二帝碑堂下作

玉馬朝周從此辭
園陵寂寞對豐碑
千行宰樹荊州道
暮雨蕭蕭聞子規

尋隱者常九山人東溪草堂 朱灣

尋集作窮得仙源訪隱淪
漸來深處漸無塵
初行竹裏唯

通馬直到花間始見人
四面雲山誰作主
數家煙火自為隣
路傍樵客何須問
朝市如今不是秦

李常侍書白堂

釋無可

結構因墳籍簷前竹未生
塗鉛窓日早閣檠幌風輕息
架蛩驚客垂燈雨過城已應窮
古史師律孰齊名

和厲元侍御題戶部相公廬山草堂

劉得仁

白雲居創畢詔入鳳池年林長
雙峯樹潭分並寺泉石
溪盤鶴外岳室閉猿前柱史題
詩後松門更肅然

草堂

趙嘏

練江橫在草堂前楊柳洲西載
酒船兩見梨花歸不得

每逢雲鳥即依然斜陽映閣山當寺微綠含風月滿川
同羣故人攀桂盡把詩吟向寂寥天

老圃堂

薛能

邵平瓜地接吾廬穀雨乾時偶自鋤昨夜春風欺不在
就牀吹落讀殘書

題友人草堂

張喬

空山卜隱初生計亦無餘三畝水邊竹一牀琴畔書深
林收晚果絕頂拾秋蔬堅話長如此何年獻子虛

王先輩草堂

陸龜蒙

松徑雲隈到靜堂
杏花臨澗水流香
身從亂後全家隱
日校人間一倍長
金綠錄疑作漸加新品秩
玉皇偏賜羽衣裳
何如聖代彈冠出
方朔曾為漢侍郎

文苑英華卷三百十四